

痘痲定論卷之三

豫章朱純嘏著

異常發癰論第四十八

痘當回水之時忽然身熱大作看其所出之痘亦甚稀疎漿乃清滿初轉褐色間有一二顆結痂而於此時發熱獨在腮頰之處紅腫一塊按則疼痛異常此癰之發也緣因痘出稀疎未用意催漿以致回水之時而發癰發癰之處又有痘顆先自變色而痘內陷膿漿內縮比

鄂梅徐安瀾增補

姪孫文德蘭咳氏重訂



餘毒不同此乃時令不正之氣使然其年雜病俱腫腮
頰傳染滿鄉以致有此怪症外敷三豆丹不退內服連
翹飲不消予用黃連黃柏大黃等分爲末用蜜調敷空
頂箍膿出毒隨服大連翹飲加銀花數劑出膿貼萬應
膏而愈方見四十七

增痘後虛症論第四十九

出痘後何以有虛症皆因父母調養失常小兒任
性之所至也夫人之稟賦有厚薄氣血有虛實稟
賦厚氣血實出痘之後雖易於復原尙賴大人及
時調養豈可任其喜好乎若稟賦薄血氣虛出痘

之後氣血更虛全賴大人隨時保護禁其風寒防
其驚恐調其飲食一切生冷甘甜煎炒炙燂香脆
厚味之物俱要謹戒不可隨意始無後患倘恣其
嗜好任其性情或至內傷臟腑或至外受風寒則
諸病叢生一至於病則皇皇失措醫藥亂投無論
富貴貧賤之家膏粱藜藿之人千古一轍不至於
敗事不止且昔人訂方大都爲出痘十三天之內
詳細立法後人謹遵之輔其生長收藏以徒了事
至於十三天之外忽焉而不講病家亦然不知十
三天以外之虛症失調輕則令人殘廢重則喪人

生命豈可忽哉愚雖無知僅將經見之症經驗之方錄此以供同人之採取耳

凡出痘十三天以外若見精神倦盜汗出或面色白或色黃或眼皮腫或兩臍赤或色青或腹作飽或手足軟或午後發熱或飲食減或手足頭面俱腫或外感無論大小男女皆是虛症總以四君子湯爲主

人參

白朮

雲苓

甘草

如精神倦盜汗出是血虛此方加炙黃耆歸身白芍茯苓浮麥圓肉 面色白是肺虛此方加炙黃耆歸身白芍柴胡阿膠陳皮百合 面色黃眼皮



腫飲食減是脾虛此方加砂仁淮藥陳皮蓮子紅

棗 面色赤兩臍更赤是心虛相火旺此方加桑

仁智肉丹皮 面色青是肝虛或兼外感此方加

乾熟地萸肉紅柴胡陳皮若身熱不退或有外感

此藥慎用亦有無外感而熱不退者 腹飽或脹

是胃虛此方去甘草加砂仁青皮陳皮香付腹毛

絨車前建瀉手足軟是氣虛此方加炙黃耆陳皮

全歸 午後潮熱是氣血兩虛此方加乾熟地歸

身白芍骨皮銀胡炙黃耆 週身俱腫是脾胃俱

虛兼受濕此方加青皮小茴陳皮骨皮檳榔腹毛



南京大學圖書館

砂仁川羌蒼樹厚樸廣木香 不見火 以仁防已牛
膝川瓜朱苓建瀉車前木通官桂加皮只壳香附
烏藥去甘草等分共爲細末半歲小兒開水沖服
五分大人服二錢五分若外感此方加表藥在人
臨時臨症加減用藥總不外一個補字此該虛症
立法

解痘痲論第五十

痘漿飽滿初轉褐色此正圓水之時忽然身熱大作當
先看臍之四圍以及腰間如有小紅顆粒此是解痘痲
也又名蓋痘痲用宣毒透痲湯

宣毒透麻湯

葛根

錢一

前胡

分八

荆芥

分八

連翹

去心

牛子

炒研

只亮

分六

木

分六

通

分七

桔梗

分七

黃芩

酒炒

薄荷

分五

生甘草

分三

淡竹葉

分八

燈

分八

草三十莖

爲引

如口臭爛

加煨石膏

分七

增此症用葛根

前胡

荆芥

桔梗

薄荷

升發

麻從外

出

用連翹牛子黃芩竹葉清心肺二經之熱生甘草

木通燈草引熱從小便出前胡得只亮又能寬中

助木通之性速行生甘草協和諸藥使升者升利

者利自然毒宣而麻透矣如口臭爛加煨石膏以

泄胃經之熱

泄胃經之熱

痘疹定論 卷之三
水痘赤痘論第五十一

水痘赤痘形色與正痘相似其實非正痘也正痘之根源發於命門自發熱造端以及報苗出齊長漿收結刻時限日死生係焉若赤痘水痘從脾肺二經來矣故予編輯定論諄諄告戒詳悉備陳以開後學若不以水痘赤痘之形色辨別明白誠恐庸醫以紫亂朱以赤痘水痘妄指爲正痘也所謂水痘者灌漿純是水泡毫無膿漿赤痘者初出之色紅而微帶赤色是水痘一類也灌漿仍是清水庸醫往往以此痘誑言正痘以取厚謝巧立名色稱爲赤痘世之遭此夤緣者不少及至出正痘

之時乃曰某年已出正痘矣何得又出若遇順症自然全功若遇險逆兩症往往悞人性命予今直指水痘以灌漿之清水而命名赤痘以初色紅以取義其名有二其本則一皆因脾肺兩經素有濕熱又兼外感風寒相搏寒熱交併而脾肺兩經之濕熱盡發於肌肉皮膚之外初發熱亦頭痛嘔吐既出亦上漿漿滿亦結薄痂大半與正痘相似不可不別

痘後毒火功目論第五十二

人之有兩目如天地之日月也風雨晦冥朔望薄蝕日月遭其障蔽亦有時而無光若薄蝕不過一二刻卽後

還本體之明風雨晦冥俟雨罷雲收日月之光依舊觀此可以悟毒火攻目根源併可以參透聶氏訂方命名清毒撥醫之微旨矣夫男女失明其症不一有能索其受病之源別辨虛實寒熱調理得宜而復明者十之申常見八九若痘後毒火攻目用藥失時在後而能調理復元者千百中未見一二可不慎歟痘後壞眼前哲立說俱言目內有痘獨聶氏曰此非有形之痘是無形之毒也痘後毒火攻目緣因長漿之時醫不能及時用藥催其長漿致漿不充滿回水之時外現身熱頭痛之症併眼胞紅腫不能開視而毒火攻目之症見矣此時稍

知用清毒保目一二貼尙可解上攻之毒火而乃曰眼
中有痘痘結成翳傷壞兩目非人力之所能爲也嗟嗟
庸醫誤人莫此爲甚今特表而出之以救天下後世痘
後毒火攻目之症開一光明坦途令庸醫見此翻然猛
省自發見聞夫有形之痘發於咽喉者有之發於口舌
者有之外痘起長內痘亦起長外痘收靨內痘亦收靨
惟入眼之毒必作於收靨之時與咽喉之痘迥異以此
揣想則知非有形之痘乃無形之毒也明矣聶氏道出
是無形之毒火眞發前所未發決以一已之見聞擴充
其理而道破千古矣眼有陰陽之別左陽而右陰也又

有五臟之分黑珠屬肝木大小眥屬心火白珠屬肺金
上下眼胞屬脾土瞳神屬腎水也腎乃天一所生之水
澄清如鏡萬物畢照鳥飛則目中有鳥魚躍則目中有
魚當面見之是爲瞳人是其中之真水照之而爲瞳神
非目中實有瞳人也痘毒入眼翳膜獨遮瞳人而黑珠
別處無翳膜豈心肝脾肺不受其邪緣因痘出稠密先
藉五臟之真氣送毒出外以成漿殊不知氣血兩虛之
人毒火內盛不能送痘以成漿漿旣不成自必不滿至
收靨之時毒火上炎攻於兩目始焉外症身熱頭更熱
頭痛兩太陽更痛眼胞紅腫緊閉不開熱淚長出眦膿

沾滯此壞目之由來也總在業是科者細看形症急以
清毒保目連進二三劑以解上攻之毒火庶可保目無
疾一失此時竟成不治而毒火愈炎攻脾則上下眼皮
紅腫難開攻心則大小眚赤而種痛攻肺則白珠變赤
而紅筋滿眼攻肝則黑珠改色或紫或白或凹或突或
黑翳如珠或翳或障日夜啼叫疼痛異常欲開不得開
欲視不能視煩惱愈盛愈動肝火肝火動相火亦隨之
二火興痘毒之火內外夾攻焉有不禁燎肝木灼乾腎
水乎且肝爲腎子肝旣受毒火興相火交攻腎肝又有
子母之依勢必力爲解救但腎中之真水有限專能製

伏毒火腎自困矣是以黑珠之翳膜漸漸侵入瞳人或從下而犯上或從上而淩下或從左而入右或從右而入左甚至毒火炕極當頂遮蔽瞳人種種不一命雖苟延兩目喪明已成廢人矣司是科者當膿漿未滿之時必要細心研究或氣血兩虛致漿不能及時充滿急用參歸鹿茸湯以救之今日不滿來日再攻若毒火內盛血與氣俱爲毒火所燥因而凝結不能及時足漿急用清毒活血湯以攻之今日不足來日再攻攻之再再總不充滿處於無可奈何之時卽於清毒活血湯中加皂刺尖七分土炒川山甲前足甲研末五分入於內煎熨

服之此攻爛之法救命之權也如此及時用藥未有不
應手而足漿決無毒火攻目之患此端本澄源之論也

清毒保目湯

柴胡錢一連翹去心七分炒七分黃芩酒炒五分荆芥七分赤芍七分

子炒研七分蟬退去頭十隻當歸八分生甘草三分川芎七分升麻五分

薄荷五分桔梗五分燈草五寸

增此症用荆芥升麻薄荷桔梗柴胡表散內盛之火

炒枝連翹黃芩生甘草牛子燈草以泄之歸芍活

血蟬退一以退周身未脫之痂一以消目上之腫

止目內之痛或曰此藥半表半裏兼以活血平常



藥味未必能大獲全勝純嘏先生無誇張太過後
人未必盡信答曰五穀與水亦平常味耳舍此無
以養命爾其知之否耶居吾語汝痘瘡先以出齊
爲妙倘到六天痘未齊出要知何以不齊出當用
何藥以宣托之宣托之藥前已有法到了六天之
後尙未出齊更要細心詳究急用藥以托之倘托
不齊出變症蜂起殺人甚速豈僅目疾而已哉第
八九日定以漿足爲度若九日十日漿猶未足似
有毒攻目之症見急以清毒活血湯催之湯內之
參耆固不可少然亦功過相半純是虛症毒火攻



目服之必大獲全功若只見毒火攻目之症用參
耆則助火當以清毒保目湯服之要知清毒然後
能保目當於原方之藥味思之則得之矣此症總
在十一日十二日是脫痂之時此日痂竟不脫者
何也或是未補足或是有別症或是痘稀未及時
行補不可不知 方見十六

亦有不寒之症誤用桂附不虛之症誤用參耆至收靨
之時火熱上炎攻於兩目在司科者當悔從前用藥之
錯急以清毒保目解之倘紅腫太甚翳膜遮蔽於肝肺
之位以清毒撥翳湯從容調治或一天一劑切不可過